

AWA



MEGA PLUS

Awo cu 2 florin mas, bo por gana e

*** Afl. 450.000,-**

*** Afl. 350.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO



Partido Futuro su vision ta enfoca riba transparencia, responsabilidad, respet, integridad, libertad y confiansa

Partido Futuro, lidera pa parlamentario Gerlien Croes ta un di e partidonan nobo den eleccion e aña. Aunke Croes tin experiencia caba den politico cu otro partido, e aña aki a anuncia su partido nobo. Manera tur otro partido, Futuro tambe a presenta su plan di partido, su vision pa e siguiente periodo di gobernacion.

Den su vision partido Futuro ta presenta diferente punto cu nan compromete pa traha riba dje na bienestar general do comunidad di Aruba. Puntonan di enfoka ta inclui: reduci costo di bida y mitiga pobresa; garantisa acceso na vivienda pagabel; modelo turistico na beneficio di e ciudadano; suficiente cuido y entrada pa adultonan mayor; salud, bienestar social y inclusion pa tur; bon gobernacion y finanzas publico responsabel; y naturalesa y medio ambiente cuida pa tur.

Pa loke ta e tema di bon gobernacion partido Futuro ta enfatisa cu esaki ta esencial pa e funcionamiento di e estado di derecho y democracia. Segun e partido, sin bon gobernacion, no por tin confiansa di pueblo den su representantenan. Futuro ta subraya cu pa gobierno por cumpli cu e necesidadnan social di comunidad lo rekeri confiansa y participacion constructivo di e ciudadano pa por logra metanan proponi, algo cu na e momentonan aki, e partido ta resalta, mester mehoracion

E vision di Futuro ta encera cu e manera con e aparato publico ta usa poder y ta duna acceso na servicio publico



mester ta transparente, efectivo y husto. Nan ta destaca cu gobierno den su totalidad mester ta integro, mester percura pa un trato corecto y husto basa semper riba ley y maneho.

Finanzas publico ta un di e topiconan cu mas atencion tin di e politiconan. Partido Futuro ta splica cu pa surpasa e retonan cu e pandemia di Covid a trece pa economia y finanzas publico di Aruba, a aumenta BBO y a introduci BBO na frontera. Pero esaki a trece cune cu awor cu economia a recupera y entrada di impuesto ta stabiel, e nivel di prijs di producto ta halto y gasto di haci negoshi ta halto.

Futuro den su vision ta mira un espacio pa reduci gasto di gobierno, tanto operacional, di personal y di interes di finanza, pa crea espacio financiero pa reduci costo di bida y stimula poder di compra y inverti bek den Aruba. E partido ta boga pa un sistema fiscal moderno y husto, cu suficiente facilidad pa e sector comercial, un miho proteccion

on legal pa tur contribuyente y menos obligacion administrativo posibel. Nan ta resalta cu presupuesto mester ta e base di un gobierno eficaz y eficiente cu un maneho basa riba vision, y na mesun momento mediante legislacion, e presupuesto anual mester ta balansa.

Costo di bida ta un preocupacion enorme den comunidad. Poder di compra di tur ciudadano a bay drasticamente atras e ultimo añanan, prijs di producto den supermercado a bira hopi caro, ta practicamente imposibel pa un famia hoben yega na su mesun hogar y prijs di combustibel, awa y coriente ta hopi halto. Consecuencia di esaki ta cu hopi ciudadano mester traha mas cu un trabou pa por sobrevivi y pa por cria nan famia y purba tin un bida digno.

Den Futuro su vision nan ta compromete pa traha pa un Aruba unda tur ciudadano tin e posibilidad pa tin un entrada cu ta yega pa paga su vivienda, cuminda, utilidad, transporte y tur necesidad basico y ainda resta algo pa recreacion.

E opcion pa yega propio cas pa hopi ciudadano ta un fantasia. Futuro ta reconoce e obstaculonan y ta enfoca riba con pa solucion esakinan pa

garantisa vivienda pagabel pa tur ciudadano.

Futuro kier Introduci un ley cu ta limita e no-residente di cumpra cas na Aruba, percura pa tur vacation rental ta registra y somete nan bou supervision di seguridad, salubridad y calidad, Destina entrada di belasting di vacation rentals pa programa di subsidio pa construccion di vivienda mixto pa adulto mayor y hoben, y Tuma bek tur tereno erfpacht cu of sin cas, cu ta bandona y unda construccion no a cuminsa of termina pa reemiti esaki na esunnan cu mester un tereno y, si por, termina e construccion di un cas, entre otro cosnan.

Pa loke ta e tema di salud, Futuro ta resalta cu e desafionan grandi den e tereno di salud cu ta tur ciudadano, ta inclui scarsedad di personal medico capacita, presion riba e sistema medico door di embehecemento di poblacion, aumento di malesa (cronico) ocasiona door di sobrepeso y stress, etc. Na esaki nan ta agrega cu tin presion door di e poblacion di persona indocumenta y crecimiento di turismo.

E vision di partido Futuro ta pa analisa e espacio financiero (surplus) di AZV y identifica y introduci un plan estructural y integral pa inverti den

salubridad publico bek. A traves di e compromiso social y cooperacion (regional), Futuro kier wak un futuro den cual tur residente y bishitante di Aruba tin acceso garantisa na cuido medico di calidad halto y na bon salud.

Suficiente cuido y entrada pa adulto mayor ta otro punto di enfoka di e partido. Nan ta remarca cu e poblacion di Aruba ta subiendo den edad y na aña 2025 un 27.2% di e poblacion lo ta di edad 60+. Esaki, nan ta enfatisa, ta aumenta e presion riba e necesidad pa atencion na adulto mayor.

Futuro ta compromete na garantisa acceso na un atencion adecua, servicio geriaterico y tratamiento prolonga pa tur adulto mayor y sigura e disponibilidad di programa cu ta promove salud y bienestar, inclusion social, miho cuido, sosten moral y empodera poder di compra

Pa loke ta e tema di medio ambiente, partido Futuro ta reconoce cu Aruba ta enfrente desafionan ambiental importante cu ta menasa su ecosistema delicado. Nan ta resalta cu entre turismo, desaroyo urbano y cambio climatico, e isla a conoce un baymento atras di su habitat, contaminacion y perdida di biodiversidad. Pa futuro maneho di desperdicio, defensa di areanan natural y espcienan invasor ta algun di e areanan di preocupacion.

Pa atende cu e desafionan aki, Futuro ta enfatisa cu mester duna prioridad na practicanan sostenibel pa maneho di tera y awa sushi, actualisa y fortalece legislacion. Hunto cu NGO y comunidad mes, nan ta indica cu por crea zona protegi cu ta permiti e regeneracion di e ecosistema natural. Nan ta agrega cu mester reduci contaminacion tambe, bin cu campananan masal di conscientisacion tanto pa local, como bishitante.



Orario di Servicio dia 2 december 2024

En conexion cu un sesion obligatorio pa su empleadonan, Banco Central di Aruba ta informa cu e lo ta sera pa publico dia 2 december 2024 entre 11'or y mei di mainta pa 3'or di atardi.

Aruba, 29 november 2024
Banco Central di Aruba